



საქართველოს გაერთიანებული სახელმწიფოს და სოფლის მეურნეობის მინისტრი

ბრძანება N 2-1580

30/11/2021

ქ. თბილისი

გურჯაანის მუნიციპალიტეტში, სოფ. შაშიანის მიმდებარე ტერიტორიაზე სასარგებლო წიაღისეულის (მიწისქვეშა მტკნარი წყლის სამეწარმეო მიზნით, 1 000 000 მ³ ხუთ წელიწადში) მოპოვების სკრინინგის გადაწყვეტილების შესახებ

სსიპ წიაღის ეროვნული სააგენტოს მიერ გზშ-ის ჩატარების საჭიროების დადგენის მიზნით, საქართველოს გარემოს დაცვისა და სოფლის მეურნეობის სამინისტროში წარმოდგენილია გურჯაანის მუნიციპალიტეტში, სოფელ შაშიანის მიმდებარე ტერიტორიაზე სასარგებლო წიაღისეულის (მიწისქვეშა მტკნარი წყლის სამეწარმეო მიზნით, 1 000 000 მ³ 5 წელიწადში) მოპოვების სკრინინგის განცხადება.

სკრინინგის განცხადების თანახმად, სალიცენზიო ობიექტი წარმოდგენილია ზღვის დონიდან 400-470 მეტრ სიმაღლეზე. ობიექტი მდებარეობს გურჯაანის მუნიციპალიტეტში, სოფელ შაშიანის მიმდებარედ, სს „თბილღვინოს“ საკუთრებაში რეგისტრირებულ ტერიტორიაზე. წიაღისეულის ობიექტის ფართობია 0,07 ჰა, ხოლო GPS კოორდინატები: X-558251.185, Y-4632183.615; და X-558399.17, Y-4632049.02. ელექტრონული გადამოწმების შედეგად დგინდება, რომ წიაღისეულის ობიექტიდან მიახლოებითი (პირდაპირი) მანძილი უახლოეს საცხოვრებელ სახლამდე შეადგენს 650 მეტრს.

მორფოლოგიური თვალსაზრისით, სალიცენზიო ობიექტი (2 ჰაბურღილი), რომელიც წარმოდგენილია ორ უბნად, მდებარეობს მდ. ალაზნის მარჯვენა მხარეს, ვაკე რელიეფის მქონე ტერიტორიაზე. საინჟინრო-გეოლოგიური პირობების სირთულის მიხედვით, ობიექტის ტერიტორია მიეკუთვნება I (მარტივი) კატეგორიას. არსებული გეოდინამიკური სიტუაცია სტაბილურია და წიაღისეულის ობიექტის ექსპლუატაციის პროცესში გეოდინამიკური სიტუაციის გაუარესება მოსალოდნელი არ არის.

სკრინინგის განცხადების თანახმად, საქართველოს ტერიტორიის ჰიდროგეოლოგიური დარაიონების სქემის მიხედვით, საპროექტო ტერიტორია წარმოადგენს ფოროვანი, ნაპრალოური და ნაპრალოურ-კარსტული წყლების ალაზნის არტეზიულ აუზს.

ალაზნის არტეზიული აუზის მიწისქვეშა წყლები შესწავლილია პროგნოზული საექსპლუატაციო მარაგების შეფასების სტადიაზე. ჰაბურღილის სავარაუდო სიღრმე შეადგენს 200 მ-ს. წარმოდგენილი დოკუმენტაციის მიხედვით, სალიცენზიო ჰაბურღილი არ მიეკუთვნება თვითმდენი ჰაბურღილის ტიპს, ამიტომ მოთხოვნილი 200 000 მ³/წელ.

წყლის რაოდენობა წარმოდგენილია C_2 კატეგორიით. მოპოვებული წყლის გამოყენება მოხდება სამეწარმეო დანიშნულებით.

ქიმიური შედგენილობით, პირველი ფენის წყლები ძირითადად ჰიდროკარბონატულ-ნატრიუმიან-კალციუმიანია, საერთო მინერალიზაციით 1,4 გ/ლ, საერთო სიხისტე - 4.1 მგ/ექვ, სიხისტე კარბონატულია. მეორე ფენის წყლები, ქიმიური შედგენილობით, ჰიდროკარბონატული ან ჰიდროკარბონატულ-სულფატური, კალციუმიან-ნატრიუმიანი ტიპისაა, დაბალი მინერალიზაციით 0,6-1,3 გ/ლ-მდე და საერთო სიხისტით 1.6-6.5 მგ/ექვ. გეოსაინფორმაციო პაკეტის მიხედვით, მიწისქვეშა წყლების ტემპერატურა შეადგენს 12-13⁰ C-ს და მათი სანიტარული მდგომარეობა დამაკმაყოფილებელია.

სკრინინგის განცხადების თანახმად, ვინაიდან, ალაზნის არტეზიული აუზის მიწისქვეშა წყლები აკმაყოფილებს სასმელი წყლის მოთხოვნებს და მომავალში მათი სასმელ-სამეურნეო და სამრეწველო ჩამოსხმის მიზნით გამოყენება შესაძლებელია, სამეწარმეო დანიშნულებით ლიცენზიის გაცემის მაქსიმალურ ვადად განსაზღვრულია 5 წელი.

სკრინინგის განცხადების მიხედვით, სალიცენზიო ობიექტი (ორივე ჭაბულდლი) საჭიროებს თავმორთულობის მოწესრიგებას, მიმდებარე ტერიტორიის დასუფთავებას და შემოღობვას. აღნიშნულის გათვალისწინების შემდგომ, სალიცენზიო ობიექტიდან წყლის მოპოვება დასაშვებია.

სკრინინგის განცხადების შესაბამისად, სალიცენზიო ობიექტი არ მდებარეობს სახელმწიფო ტყის, დაცული ტერიტორიების, კულტურული მემკვიდრეობის ძეგლების სიახლოვეს და არც ტყით მჭიდროდ დაფარულ ტერიტორიაზე, სადაც გაბატონებულია წითელი ნუსხით დაცული სახეობები.

სალიცენზიო ობიექტზე წარმოდგენილია არსებული 2 ჭაბურდლი. შესაბამისად, საქმიანობის განხორციელება დაკავშირებული არ არის ახალი ტერიტორიის ათვისებასთან, რაც ზემოქმედებას გამოიწვევდა გარემოს სხვადასხვა კომპონენტებზე.

საქმიანობის სპეციფიკის გათვალისწინებით, მოსალოდნელი არ არის მნიშვნელოვანი ზემოქმედება გარემოს დაბინძურებისა და ხმაურის გავრცელების კუთხით. სალიცენზიო ობიექტი დაშორებულია მჭიდროდ დასახლებული ტერიტორიისგან.

წიაღითსარგებლობის ობიექტზე მოსალოდნელი არ არის ნარჩენების წარმოქმნითა და გავრცელებით მოსალოდნელი ზემოქმედება. როგორც აღინიშნა, მოწესრიგდება ჭაბურდლების თავმორთულობა და დასუფთავდება მიმდებარე ტერიტორია.

საქმიანობის სპეციფიკის გათვალისწინებით, ბუნებრივი რესურსებიდან გამოყენებული იქნება წყალი. წიაღით (წყლით) სარგებლობის სალიცენზიო პირობების განხორციელებით, რომელსაც ადგენს ლიცენზიის გამცემი ორგანო, საქმიანობა არ გამოიწვევს წყლის გარემოს დაბინძურებას.

„გარემოსდაცვითი შეფასების კოდექსის“ მე-7 მუხლის მე-5 ნაწილის შესაბამისად, სამინისტრომ უზრუნველყო სკრინინგის განცხადების თავის ოფიციალურ ვებგვერდზე

და გურჯაანის მუნიციპალიტეტის მერიის საინფორმაციო დაფაზე განთავსება. ადმინისტრაციული წარმოების ეტაპზე წერილობითი შენიშვნები/მოსაზრებები საზოგადოების მხრიდან სამინისტროში არ ყოფილა წარმოდგენილი.

ყოველივე ზემოაღნიშნულის, მათ შორის საქმიანობის მასშტაბისა და სპეციფიკის გათვალისწინებით, დგინდება რომ გურჯაანის მუნიციპალიტეტში მტკნარი წყლის სამეწარმეო მიზნით მოპოვებით, გარემოზე მნიშვნელოვანი ზემოქმედება არ არის მოსალოდნელი.

ზემოაღნიშნული კრიტერიუმების გათვალისწინებით, „გარემოსდაცვითი შეფასების კოდექსის“ მე-7 მუხლის მე-6 ნაწილის და ამავე კოდექსის მე-II დანართის მე-2 პუნქტის 2.2 ქვეპუნქტის საფუძველზე,

ვ ბ რ ძ ა ნ ე ბ:

1. მიღებულ იქნეს სკრინინგის გადაწყვეტილება, რომ გურჯაანის მუნიციპალიტეტში, სოფ. შაშიანის მიმდებარე ტერიტორიაზე სასარგებლო წიაღისეულის (მიწისქვეშა მტკნარი წყლის სამეწარმეო მიზნით, 1 000 000 მ³ 5 წელიწადში) მოპოვება არ დაექვემდებაროს გარემოზე ზემოქმედების შეფასებას;
2. ლიცენზიის მფლობელი ვალდებულია „გარემოსდაცვითი შეფასების კოდექსის“ მე-7 მუხლის მე-8 ნაწილის შესაბამისად უზრუნველყოს გარემოსდაცვითი ტექნიკური რეგლამენტებით დადგენილი მოთხოვნებისა და გარემოსდაცვითი ნორმების დაცვა;
3. ბრძანება დაუყოვნებლივ გაეგზავნოს სსიპ წიაღის ეროვნულ სააგენტოს;
4. ბრძანება ძალაში შევიდეს სსიპ წიაღის ეროვნული სააგენტოს მიერ ამ ბრძანების გაცნობისთანავე;
5. სკრინინგის გადაწყვეტილების გაცემიდან 5 დღის ვადაში გადაწყვეტილება განთავსდეს სამინისტროს ოფიციალურ ვებგვერდზე და გურჯაანის მუნიციპალიტეტის აღმასრულებელი ან/და წარმომადგენლობითი ორგანოს საინფორმაციო დაფაზე;
6. ბრძანება შეიძლება გასაჩივრდეს თბილისის საქალაქო სასამართლოს ადმინისტრაციულ საქმეთა კოლეგიაში (თბილისი, დ. აღმაშენებლის ხეივანი, მე-12 კმ. N6) მხარის მიერ მისი ოფიციალური წესით გაცნობის დღიდან ერთი თვის ვადაში.

ლევან დავითაშვილი



მინისტრი